



Funded by the European Union

Projekat “Podrška Evropske unije konkurentnosti poljoprivrede i ruralnom razvoju u Bosni i Hercegovini” EU4AGRI

Poziv potencijalnim korisnicima bespovratnih sredstava za mjeru ublažavanja negativnog uticaja COVID-19 na poljoprivredno-prehrambeni sektor za mjeru podrške investicijama u prerađivačke kapacitete i marketing poljoprivredno-prehrambenih proizvoda, juli 2020

Odgovori na postavljena pitanja u vezi javnog poziva koja su pristigla do 14. avgusta 2020. godine na email adresu registry.ba@undp.org.



Redni broj	Datum prijema pitanja	Pitanje	Odgovor
1.	07.08.2020.	<p>Ovom prilikom Vam se obraćamo povodom javnog poziva i za dodjelu bespovratnih sredstava u poljoprivredno - prehrambenom sektoru.</p> <p>Naime, interesuje me sljedeće: Da li se ovaj poziv odnosi i na novoosnovane preduzetnike?</p> <p>Budući da ću u narednih 15 dana otvoriti preduzetničku radnju koja će se baviti preradom voća i povrća.</p>	Ovaj Javni poziv ne podržava start-up biznise.
2.	07.08.2020.	<p>Ovom prilikom Vam se obraćamo povodom javnog poziva i za dodjelu bespovratnih sredstava u poljoprivredno - prehrambenom sektoru. Naime interesuje me sljedeće: firma koja želi aplicirati na javni poziv je svrstana pod šifrom djelatnosti 01.30 uzgoj sadnog materijala i sadnog bilja, a stvarna djelatnost je proizvodnja komposta za proizvodnju šampinjona. Trenutno kompost prodaju isključivo veleprodajno i u ovom Javnom pozivu vide šansu za formiranje dijela i svojih kapaciteta za proizvodnju šampinjona i plasiranje šampinjona direktno na tržište.</p> <p>Pitanje je: da li je djelatnost kojom se žele baviti obuhvaćena Vašim programom. Molim odgovor.</p>	<p>Prihvatljivi su oni podnosioci prijave koji imaju iskustva u jednom od sektora navedenih u poglavlju 2.3. najmanje jednu fiskalnu godinu (2019).</p> <p>S tim u vezi, vi niste prihvatljiv podnosilac prijave jer proizvodnja komposta i primarna proizvodnja gljiva, nisu prihvatljivi sektori.</p>
3.	07.08.2020.	<p>Molim Vas da mi pojasnite objavljeni projekt iz gore navedenog naslova.</p> <p>Da li u projektu može da učestvuje i moje poduzeće koje se bavi otkupom i prodajom meda od poljoprivrednih gazdinstava/pčelara.</p> <p>I da li mi koji se bavimo sa medom u primarnoj proizvodnji/pakiranju možemo aplicirati?</p> <p>Imamo još jedno pitanje. Učestvovali smo u vašemu javnom pozivu EU4Business koji je bio objavljen u maju mjesecu 2020.godine. Da li će biti objavljeni uskoro podaci o poduzećima koja su prošla ili odbijena za dodjelu sredstava od vaše cijenjene organizacije.</p>	<p>Lista prihvatljivih pod-sektora se nalazi u poglavlju 2.3. Javnog poziva. Sektor pčelarstva nije prihvatljiv pod-sektor u sklopu ovog Javnog poziva, ali je planiran za buduće javne pozive. Upućujemo vas da pratite službenu web stranicu UNDP-a (http://www.ba.undp.org/) na kojoj će biti objavljeni svi budući Javni pozivi.</p> <p>Preliminarna lista korisnika javnog poziva potencijalnim korisnicima bespovratnih sredstava za mjeru ublažavanja negativnog uticaja COVID-19 na poljoprivredno-prehrambeni sektor je objavljena i možete je pronaći na web stranici projekta EU4Business na sljedećem linku https://eu4business.ba/preliminarna-lista-korisnika-javnog-poziva-potencijalnim-korisnicima-bespovratnih-</p>

			sredstava-za-mjeru-ublazavanja-negativnog-uticaja-covid-19-na-poljoprivredno-prehrambeni-sektor/
4.	07.08.2020.	<p>Poštovani</p> <p>Zainteresirani smo za apliciranje na otvoreni javni poziv EU4Agri te želimo provjeriti par informacija.</p> <p>Firma smo koja se već dugi niz godina bavi uvozom, doradom i trgovinom na veliko i malo raznih proizvoda u poljoprivredi.</p> <p>Projektom idejom bismo htjeli pokrenuti proizvodnju proizvoda za kućne ljubimce koja bi u svom velikom dijelu uključivala preradu žitarica. Dakle postojećim aktivnostima bi dodali pogon za preradu žitarica a dobili krajnji proizvod namijenjen ishrani kućnih ljubimaca.</p> <p>Jesmo li na osnovu navedenog prihvatljivi podnosioci prijave? Unaprijed hvala na odgovoru.</p>	<p>Investicije usmjerene na preradu žitarica koje kao rezultat prerade imaju proizvod namijenjen životinjskoj prehrani prema ovom Javnom pozivu nije prihvatljiva investicija.</p> <p>Pored toga, ovim Javnim pozivom nisu podržani start-up biznisi uključujući i postojeće koji tek sad žele započeti sa preradom.</p>
5.	07.08.2020.	<p>Pratio sam i naišao na ovaj EU4AGRI javni poziv i vidim da je on izričito za poljoprivredno-prehrambeni sektor u BiH, pa sam se htio informisati da li postoji mogućnost apliciranja na ovaj Javni poziv? Moja poslovna ideja je uvoz i prodaja pčelarske opreme (već sam stupio u kontakt sa jednom firmom iz Turske), kao i prodaja domaćih pčelarskih proizvoda u BiH, ali zavisno od mogućnosti i situacije pokušaj sklapanja partnerstva sa nekim firmama iz regiona, kao i iz EU za izvoz u te zemlje. Inače sam u postupku otvaranje firme koja bi se bavila svime time.</p>	<p>Lista prihvatljivih pod-sektora se nalazi u poglavlju 2.3. Javnog poziva. Sektor pčelarstva nije prihvatljiv pod-sektor u sklopu ovog Javnog poziva, ali je planiran za buduće javne pozive.</p> <p>Upućujemo vas da pratite službenu web stranicu UNDP-a (http://www.ba.undp.org/) na kojoj će biti objavljeni svi budući Javni pozivi.</p>

6.	10.08. 2020.	<p>Aplicirali smo za dodjelu grant sredstava za ublažavanje negativnih efekata COVID19 na agro sektor u BiH. Obzirom da se naša firma nalazi na preliminarnoj listi finansiranja u kojoj je kao izvor naveden Agri4Business, a ne EU4Business za koji smo aplicirali, da li mi imamo pravo aplicirati na ovaj novi poziv koji je otvoren do 30.09.2020? Naime, na strani 3 Smjernica za podnosiocce zahtjeva navodi se da podnosioci prijava mogu biti podržani maksimalno 3 puta u toku trajanja projekta. Dalje, na strani 4, tačka 8 navodi se da ne mogu učestvovati aplikanti koji nisu završili provođenje ranije odobrenih projekata.</p>	<p>U poglavlju 2.2. Javnog poziva, "Poziv potencijalnim korisnicima bespovratnih sredstava za mjeru podrške investicijama u prerađivačke kapacitete i marketing poljoprivredno-prehrambenih proizvoda", definisano je da se neprihvatljivim podnosiocima prijava smatraju svi oni koji nisu završili provođenje ranije odobrenih projekata koji su finansirani putem projekata EU4Agri i EU4Business.</p> <p>U poglavlju 2.1. je definisano da isti podnosioci prijava mogu biti podržani kroz EU4Agri projekat do 3 puta tokom trajanja projekta uzimajući u obzir sve javne pozive koji će biti objavljeni (od 2020. do 2024. godine).</p> <p>To znači da ukoliko niste završili realizaciju odobrenog projekta bilo da je finansiran od EU4Business ili EU4Agri niste prihvatljiv podnosilac za ovaj Javni poziv. Tek kad završite aktuelne projekte možete aplicirati na buduće Javne pozive ukoliko ispunjavate ostale zahtjeve tih Javnih poziva.</p>
7.	10.08. 2020.	<p>Da bi izašli u susret jednom zainteresovanom poljoprivrednom proizvođaču sa područja Gradiške i da bi bili sigurni, molimo Vas da nam odgovorite, da li se na predmetni poziv mogu prijaviti komercijalna ili nekomercijalna poljoprivredna gazdinstva? Da li možete dostaviti kontakt podatke osobe koju bi telefonski mogli kontaktirati u slučaju dodatnih pitanja i eventualnih nedoumica?</p>	<p>Prema pravilima ovog javnog poziva prihvatljivi podnosioci prijava za dodjelu bespovratnih sredstava su isključivo preduzeća, zadruge, obrti i preduzetnici.</p> <p>Praksa projekta je da se svi upiti dostavljaju isključivo u pisanoj formi elektronskim putem na email adresu registry.ba@undp.org, te da se pitanja i odgovori objavljuju na UNDP web stranici kako bi sve zainteresovane strane mogle pregledati pitanja i odgovore. Pored toga, u utorak, 18.08. u 11:00 sati putem Facebooka možete pratiti online info sesiju Javnog poziva.</p> <p>Više informacija potražite na sljedećem linku: https://www.facebook.com/events/961714764304421/</p>
8.	11.08. 2020.	<p>Poštovani,</p> <p>Planirali smo se prijaviti na Projekat: „Podrška Evropske unije za konkurentnost poljoprivrede i ruralni razvoj u Bosni i Hercegovini (EU4Agri)“.</p> <p>Prilikom čitanja Smjernice za podnosiocce prijava, dostupnih na: web stranici, u dijelu 2.7.1. Opći kriteriji prihvatljivosti podnosioca prijave, stavka 22. koja kaže: „podnosilac prijave je registrovan u registru klijenata – dokaz potvrda o registraciji za 2019. godinu.“</p>	<p>Prema pravilniku o upisu u registar poljoprivrednih gazdinstava i klijenata u Federaciji Bosne i Hercegovine (Službene novine Federacije Bosne i Hercegovine br. 42/08) i članu 4. istog pravilnika, Zahtjev za upis, promjenu ili brisanje podataka iz registara se podnosi nadležnoj općinskoj službi, prema sjedištu privrednog društva, zadruge ili drugog pravnog lica i obrtnika, odnosno mjestu prebivališta nosioca porodičnog poljoprivrednog gazdinstva ili prebivališta drugog fizičkog lica, neovisno o mjestu obavljanja</p>

		Možete li nam objasniti o kojem se Registru radi i tko izdaje navedenu potvrdu?	poljoprivredne djelatnosti u BiH. Iste općinske službe izdaju i dokaz o registraciji.
9.	12.08. 2020.	<p>Naš poslovni subjekt za primarnu djelatnost ima otkup i preradu voća i ljekovitog bilja, te proizvodnju domaćih proizvoda poput biljnih ulja, čajeva, dodataka prehrani, sokova od voća, zatim raznih vrsta praškastih i zrnastih proizvoda i sl. Glavni kupci naših proizvoda su apoteke širom BiH.</p> <p>Sa svojim projektnim prijedlogom planiramo da se odazovemo na aktuelni Javni poziv, te u vezi sa tim nas zanima sljedeće:</p> <ol style="list-style-type: none"> 1. Da li spadamo u red prihvatljivih aplikanata? 2. Naš projektni prijedlog će za cilj imati izgradnju objekta, u čijem će se sastavu nalaziti manja hladnjača, prostor za skladištenje, preradu i kancelarije firme, te na pokrivanje dijela troškova nabavke opreme. Zanima nas da li se kao prihvatljivo učešće u projektu može prikazati kupovina zemljišta na kojem se planira izgradnja? 3. Budući da se izgradnja objekta planira realizovati kroz projekat tj. kroz eventualno dobivanje podrške, zanima nas da li za postojeći objekat već moramo imati neophodne dozvole i saglasnosti poput Urbanističke dozvole i Odobrenja za građenje ili se iste mogu dobiti u toku implementacije projekta? Da li trošak dobivanja građevinske dozvole spada u red prihvatljivih troškova? 4. S obzirom da se već bavimo otkupom i preradom, da li je eliminatorni uslov već posjedovanje Certifikata (npr. IFS, HACCP, Organska proizvodnja, ISO 22000, ISO 14001, BRC, Halal, Košer i dr.)? Projektom bi se stvorili uslovi za vlastitu proizvodnju pojedinih sirovina, smanjenje troškova nabavke i povećanje konkurentnosti kompanije. 	<p>Ovaj javni poziv isključivo je namijenjen obrtima, preduzetnicima, zadrugama i preduzećima koji se bave preradom poljoprivrednih proizvoda i/ili proizvodnjom prehrambenih proizvoda u prihvatljivim pod-sektorima navedenim u poglavlju 2.3. javnog poziva, a što ne uključuje sektor ljekovitog bilja.</p> <p>Kupovina zemljišta prema ovom javnom pozivu nije prihvatljiv trošak (Upućujem vas da detaljno pročitate Opće kriterije prihvatljivosti u poglavlju 2.7.1. Javnog poziva).</p> <p>Objekat koji je predmet investicije ili u koji će se instalirati planirana oprema posjeduje važeće dozvole i dokumente za izgradnju objekata izdate od nadležnih organa (dokaz: dostavljene važeće dozvole i dokumentacija, na primjer građevinska dozvola, lokacijska dozvola itd.). Upućujem vas da detaljno pročitate Opće kriterije prihvatljivosti u poglavlju 2.7.1. Javnog poziva.</p> <p>Posjedovanje navedenih certifikata nije eliminacijski kriterij, ali je kvalitativni kriterij prilikom ocjene aplikacije. Subjekti koji nemaju implementiran HACCP moraju posjedovati upotrebnu dozvolu izdatu od nadležnih organa FBiH, kantona, RS i BD i ispunjavati minimalne tehničke uslove za obavljanje djelatnosti. Drugim riječima, na kraju investicije moraju ispuniti minimalne tehničke uslove propisanim važećim zakonima u BiH i posjedovati upotrebnu dozvolu za bavljenje gore pomenutom djelatnošću te biti usklađeni i certificirani u skladu sa HACCP sistemom.</p>

10.	12.08. 2020.	<p>Molim Vas da mi pojasnite da li bi moja firma koja je počela sa radom prije godinu dana i bavi se proizvodnjom prehrambenih proizvoda mogla da aplicira za projekat EU4Agri? U pitanju je firma, start-up biznis. Uposlenice su žene srednje dobi i mlađa djevojka bez majke.</p> <p>Ja sam prvenstveno mislila da apliciram na projekat EU4Agri za jedan brend. Radi se o proizvodnji zamrznutih knedli i njoka - standard i Gluten free linija. Koristimo krompir, voće, jaja ... namirnice domaćih, malih proizvođača.</p> <p>Cilj nam je da uvedemo HACCAP standard, proizvodnju renoviramo, kupimo novu opremu, proširimo asortiman proizvoda, marketinški promovisemo, ambalažu poboljšamo, te proširimo distribuciju po BiH.</p> <p>Puno je planova, ali finansijski nam je neizvodivo da sami iz redovnog poslovanja finansiramo ovako velike projekte. Mnogo bi nam značila podrška u razvoju našeg brenda.</p>	<p>Prema pravilima javnog poziva prihvatljivi su oni podnosioci prijava koji se bave preradom najmanje jednu punu fiskalnu godinu (2019), a proizvodnja tjestenine nije obuhvaćena ovim Javnim pozivom.</p>
11.	11.08. 2020.	<p>Postovani,</p> <p>Bavimo se proizvodnjom heljde i konzumnih jaja. molimo da nam pojasnite sljedeća pitanja:</p> <ul style="list-style-type: none"> - želimo aplicirati za mašinu za preradu heljde, da li smo prihvatljivi budući da se sada bavimo proizvodnjom, a tek po kraju ovog projekta možemo sa tom mašinom i početi raditi preradu heljde u brašno i druge proizvode? - što se tiče druge naše djelatnosti, da li kao proizvođači konzumnih jaja možemo aplicirati za mašinu koja skuplja i prerađuje postojeće kokoške nusproizvode u đubrivo? - dolazimo iz nerazvijene opštine koja je bila direktno pogođena ratnim dejstvima. U tim dejstvima su zapaljeni svi dokumenti o objektu u kojem poslujemo i u kojem bismo vršili adaptaciju u sklopu projekta. Da li nedostatak svih dozvola koje su zapaljene možemo nadomjestiti potvrdom zvaničnog organa opštine iz koje dolazimo? - koju potvrdu moramo pribaviti za tačku 2.7.1 - podnosilac prijave je registrovan u registru klijenata – dokaz potvrda o registraciji za 2019. godinu - na koji se 	<p>Prema pravilima Javnog poziva prihvatljivi su oni podnosioci prijava koji se bave preradom najmanje jednu punu fiskalnu godinu (2019). To bi značilo da prema ovom kriteriju niste prihvatljiv podnositelj prijave.</p> <p>Sektor proizvodnje jaja prema ovom Javnom pozivu nije prihvatljiv sektor, jer se radi o primarnoj proizvodnji, a poziv je namjenjen za investicije u preradu.</p> <p>Objekat koji je predmet investicije ili u koji će se instalirati planirana oprema treba da posjeduje važeće dozvole i dokumente za izgradnju objekata izdate od nadležnih organa (dokaz: dostavljene važeće dozvole i dokumentacija, na primjer građevinska dozvola, lokacijska dozvola itd.). Upućujem vas da detaljno pročitate Opće kriterije prihvatljivosti u poglavlju 2.7.1. Javnog poziva.</p> <p>Prema pravilniku o upisu u registar poljoprivrednih gazdinstava i klijenata u Federaciji Bosne i Hercegovine (Službene novine Federacije Bosne i Hercegovine br. 42/08) i članu 4. istog pravilnika, Zahtjev za upis, promjenu ili brisanje podataka iz registra se podnosi nadležnoj općinskoj službi, prema sjedištu privrednog društva, zadruge ili drugog pravnog lica i obrtnika, odnosno mjestu prebivališta nosioca porodičnog poljoprivrednog gazdinstva ili</p>

		registar klijenata ovo odnosi - od koga dobijamo ovu potvrdu?	prebivališta drugog fizičkog lica, neovisno o mjestu obavljanja poljoprivredne djelatnosti u BiH. Iste općinske službe izdaju i dokaz o registraciji.
12.	11.08. 2020.	<p>Da li je prihvatljiv ugovor o zakupu zemljišta na kojem realizujemo izgradnju novog objekta, koji je potpisan na dan 04.06.2020 godine i sa trajanjem ugovora od 10 godina, s obzirom da je uslov da je zakup na minimalno 10 godina od datuma objave Javnog poziva?</p> <p>2.U okviru Javnog poziva - Smjernice za aplikante dati su kriterijumi prihvatljivosti za sektor voća i povrća, poglavlje 2.7.2.1., gdje se navodi da aplikant treba da između ostalog posjeduje objekat i opremu. Da li je u kontekstu ovoga prihvatljivo kao aplikant preduzeće koje već ima u neposrednoj blizini projektne lokacije objekat za preradu – hladnjaču, manjeg obima i opremu, a koje će graditi novi objekat hladnjaču većeg prerađivačkog kapaciteta?</p> <p>Također, da li je prihvatljiv aplikant koji je registrovan za djelatnost i bavi se preradom voća u prethodnih pet godina, koji je dio prerade i skladištenja realizovao uslužno kod podugovarača, a sada gradi novi objekat za preradu?</p> <p>3.Da li su mašinski radovi - postavljanje i izgradnja mašinskih instalacija u okviru izgradnje novog objekta prihvatljivi za finansiranje iz projekta?</p> <p>4. Na društvenoj mreži Facebook smo našli informaciju o Info sesiji koja bi trebala biti održana na dan 18. avgusta 2020. Molimo dodatne informacije, vrijeme održavanja, ili link za prijavu na info sesiju da bismo mogli pratiti istu.</p>	<p>Da bi vam odgovorili na ovo pitanje potrebno su nam dodatna pojašnjenja o kojoj vrsti objekta se radi, a koji gradite na zakupljenom zemljištu: montažni ili čvrsta gradnja, teko je vlasnik i investitor objekta?</p> <p>Prihvatljiv je onaj podnositelj prijave koji se bavi preradom voća i/ili povrća najmanje jednu punu fiskalnu godinu (2019.) te posjeduje objekat i opremu za bavljenje preradom voća i/ili povrća ili ima objekat pod zakupom najmanje 10 godina (dokaz ugovor).</p> <p>Možete li precizirati šta podrazumijevate pod mašinskim radovima i instalacijama?</p> <p>Na istoj Facebook stranici na kojoj ste pročitali informaciju, odmah na glavnoj stranici se nalazi Događaj: Online info sesija. Događaju možete pristupiti putem ovog linka: https://www.facebook.com/events/961714764304421/</p>
13.	13.08. 2020.	Zanima nas informacija vezana za Vaš javni poziv EU4 AGRI. Naša glavna djelatnost je pakovanje nusproizvoda životinjskog podrijetla, tj meda. Pitanje glasi: možemo li sudjelovati na ovom javnom pozivu? Ako ne, u skorijoj budućnosti možemo li očekivati mjere podrške za pčelarstvo?	Pod-sektor meda nije prihvatljiv pod-sektor u okviru ovog javnog poziva. Upućujem vas da pratite službene UNDP web stranice gdje se objavljuju svi javni pozivi u okviru projekta EU4Agri i gdje ćete se moći pravovremeno informirati o našim budućim pozivima.

14.	13.08. 2020.	Javljamo se sa upitom vezano za projekat EU4Agri. Naime, bavimo se proizvodnjom stolnog grožđa. Grožđe (većinom vlastito te u određenim količinama otkupljeno) se bere, sortira, pakuje i skladišti u specijaliziranim hladnjačama do isporuke krajnjim kupcima (navedenim aktivnostima se bavimo duže od godine dana). Dio grožđa prodajemo kupcima na lokalnom tržištu, a velike količine istog izvozimo. Molimo za informaciju da li smo prihvatljiv podnosilac za trenutno otvoreni EU4Agri projekat.	Ovaj javni poziv odnosi se na one podnosiocce koji se bave preradom grožđa i proizvodnjom vina uz uslov da posluju u preradi najmanje jednu punu fiskalnu godinu (2019). Proizvodnja stolnog grožđa je primarna proizvodnja i kao takva nije prihvatljiva prema ovom Javnom pozivu. Molimo vas da pratite službene UNDP web stranice gdje se objavljuju svi javni pozivi u okviru projekta EU4Agri, a poziv za primarnu proizvodnju se očekuje u 10.mjesecu 2020.
15.	14.08. 2020.	Interesuje me da li komercijalno poljoprivredno gazdinstvo koje u svom posjedu ima voćnjake može da se prijavi na javni poziv za dodjelu bespovratnih sredstava tj. investicija u prerađivačke kapacitete i marketing poljoprivredno-prehrambenih proizvoda za projekat nabavke opreme za preradu voća.	Ovaj javni poziv se ne odnosi na one podnosiocce koji se bave primarnom proizvodnjom. Javni poziv je namijenjen subjektima koji se bave preradom voća i povrća najmanje jednu punu fiskalnu godinu (2019). Prema pravilima ovog javnog poziva prihvatljivi podnosioci prijava za dodjelu bespovratnih sredstava su isključivo preduzeća, zadruge, obrti i preduzetnici. Molimo vas da pratite službene UNDP web stranice gdje se objavljuju svi javni pozivi u okviru projekta EU4Agri, a poziv za primarnu proizvodnju se očekuje u 10. mjesecu 2020.
16.	14.08. 2020.	Vezano za objavljeni Javni poziv EU4Agri, molimo Vas da nam odgovorite da li je prihvatljiva planirana investicija u kategoriji prerade mesa u opremu/liniju za punjenje i zatvaranje konzervi? Dali stavke 3.2.13. i 3.2.17. se mogu odnositi na ovu vrstu opreme? Linija za punjenje konzervi se sastoji od zatvaračice konzervi (uređaj za mjerenje ugrađen) i drugih popratnih manjih uređaja poput traka, tunela za sušenje, stolova za dohvat i sl. 3.2.13. Oprema za sječenje, preradu, pakovanje i obilježavanje. 3.2.17. Oprema za proizvodnju mljevenog mesa, poluprerađenih proizvoda od mesa, mehanički odvojenog mesa i gotovih mesnih prerađevina.	Pod-sektor prerade mesa je prihvatljiv pod-sektor prema javnom pozivu kao i nabavka opreme koju ste spomenuli.

17.	14.08. 2020.	<p>Naša pekara je firma sa reputacijom i tradicijom, osnovana davne 1928.godine. na čelu sa četvrtom generacijom. Zbog proširenja obima posla i uvođenja novih tehnologija za proizvodnju poljoprivredno-prehrambenih proizvoda, potrebna nam je investicija za prerađivačke kapacitete poljoprivredno- prehrambenih proizvoda.</p> <p>Da li se pored opreme za pakovanje proizvoda od zitarica, koja spada u prihvatljive investicije i troškove, može nabaviti i oprema (mašine za proizvodnju proizvoda od žitarica?)</p> <p>Da li oprema (mašine za proizvodnju proizvoda od žitarica spada u prihvatljive investicije i troskove?)</p> <p>Da li se pod sektorom prerade žitarica (prije investicije) mora posjedovati certifikat HACCP?</p> <p>Da li uvođenje certifikata HACCP u toku investicije spada u prihvatljive investicije i troskove?</p> <p>Molimo Vas da nam odgovorite na ova pitanja, i date instrukcije, koje bi po našem mišljenju bile korisne za nas.</p>	<p>Pekarska industrija nije obuhvaćena ovim Javnim pozivom i takvi aplikanti će se smatrati neprihvatljivima.</p>
-----	--------------	--	---